




Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KТРО 0020523 21

Sarajevo, 22.12.2022. godine



**SUDU BOSNE I HERCEGOVINE**  
*Sudiji za prethodno saslušanje*  
*Na broj: S1 2 K 0004160 Krn*

**SARAJEVO**

Na osnovu člana 35. st. 2. tačka i), čl. 226. stav 1. i člana 227. stav 1. ZKP-a BiH,  
podizem:

**OPTUŽNICU**

**PROTIV:**

**ZORICE OBRADOVIĆ,** [REDACTED] rođene  
[REDACTED] 1976. godine u Sarajevu,  
[REDACTED] državljanke Bosne i  
Hercegovine,  
[REDACTED]

**Zbog postojanja osnovane sumnje da je ZORICA OBRADOVIĆ:**

u svojstvu osnivača i odgovornog lica bez ograničenja ovlaštenja u okviru registrovane djelatnosti u pravnom licu Asa Company d.o.o. Pale, u periodu od 16.11.2009. do 30.05.2011. godine, pribavila dokumentaciju lažnog sadržaja, i to fakture pravnog lica [REDACTED] kao navodnog dobavljača, a koje pravno lice je [REDACTED] prethodno prikazivalo i carinskim organima deklariralo uvoze ekspanzirane gline i sojine sačme od navodnih austrijskih dobavljača, dok se u stvarnosti na transportnim vozilima nalazila sirova kafa prekrivena tankim slojem ekspanzirane gline ili sojine sačme, te kojem pravnom licu [REDACTED] je bilo potrebno da izvrši fiktivna razduženja fiktivno nabavljenih ekspanzirane sojine sačme i gline, što je pravno lice [REDACTED] vršilo ispostavljanjem fiktivnih faktura naslovljenih na više pravnih lica, uključujući pravno lice Asa Company d.o.o. Pale, na kojim fakturama pravnog lica [REDACTED] naslovljenim na pravno lice Asa Company d.o.o. Pale su kao predmet nabavke prikazane ekspanzirana glina/granulacija za izolaciju i sojina sačma/soja, sljedećih brojeva, datuma, fakturne osnovice za obračun PDV-a, iznosa obračunatog i prikazanog PDV-a na fakturi, vrste prikazane robe, prikazane količine u kubnim metrima ili tonama: [REDACTED]-16.11.2009.-193.293,24 KM-28.085,34 KM-ekspan. glina-751 m<sup>3</sup>; 24.12.2009.-[REDACTED]-136.035,00 KM-23.132,94 KM-ek-841 m<sup>3</sup>; [REDACTED]-30.7.2010-73.750,00 KM-12.537,50 KM-ekspan. glina-295 m<sup>3</sup>; FAK [REDACTED]-35.052,00 KM-5.958,84 KM-Soja-50,8 tona; FAK [REDACTED]-30.4.2011-60.720,00 KM-10.322,40 KM-Soja-88 tona; FAK [REDACTED] 30.5.2011-61.410,00 KM-10.439,70 KM-Soja-89 tona, pri čemu je faktura broj [REDACTED] od 16.11.2009. godine u evidencijama pravnog lica [REDACTED] sačinjena na drugačiji iznos, od 107.711,76 KM PDV osnovice i 18.311,25 KM prikazanog PDV-a, te je Zorica Obradović također, u svrhu u prikrivanja fiktivnih nabavki ekspanzirane gline pravnog lica [REDACTED] od navodnog dobavljača [REDACTED], pribavila u ime pravnog lica Asa Company d.o.o. Pale fiktivne fakture pravnog lica [REDACTED], na kojima je prikazana nabavka količina ekspanzirane gline od 117,80 m<sup>3</sup>, koje fakture pravnog [REDACTED] naslovljene na pravno lice ASA Company d.o.o. Pale su sljedećih brojeva, datuma, fakturne osnovice za obračun PDV-a, iznosa obračunatog i prikazanog PDV-a na fakturi, prikazane količine u kubnim metrima ili tonama: [REDACTED] 31.01.2011-19.950,00 KM-3.391,50 KM-79,80m<sup>3</sup> i [REDACTED] 11-31.03.2011-9.500,00 KM-1.615,00 KM-38,00 m<sup>3</sup>; na kojim fakturama je prikazan ukupan PDV u iznosu od 5.006,50 KM, koje sve opisane fakture-računi navodnih dobavljača [REDACTED] nisu porezni računi u smislu člana 55. Zakona o PDV-u (Službeni glasnik BiH, broj 09/05, 35/05, 100/08, 33/17), po kojim fakturama-računima nije došlo do stvarnog prometa robama od navodnog dobavljača, te je Zorica Obradović pribavljene ulazne fakture pravnih lica [REDACTED]



██████████ na navedeni fiktivni promet odnosno dokumente lažnog sadržaja, prosljedila u knjigovodstvo pravnog lica radi njihovog neosnovanog i nezakonitog evidentiranja u poslovnim knjigama-zvaničnim knjigovodstvenim evidencijama pravnog lica ASA Company d.o.o. Pale, na osnovu čega je pravno lice u svojim zvaničnim knjigovodstvenim evidencijama prikazalo, obračunalo i putem podnošenja PDV prijave lažnog sadržaja za poreski period novembar 2009. godine-mart 2012. godine ostvarilo neosnovan i nezakonit odbitak ulaznog poreza u iznosu od 95.483,72 KM, te je Zorica Obradović, s ciljem prikrivanja fiktivnosti prikazanih nabavki sačinila fiktivnu dokumentaciju o utrošku ekspanzirane gline i sojine sačme u pravnom licu Asa Company d.o.o. Pale, u kojoj je prikazano da je ekspanzirana glina navodno utrošena za saniranje klizišta, te za izradu briketa za loženje, te je u dokumentaciji pravnog lica Asa Company d.o.o. Pale lažno prikazano da se na zalihima nalazi 110,21 tona sojine sačme koja na licu mjesta nije pronađena, dok je za drugi dio fiktivno nabavljenih količina sojine sačme sačinila dokumentaciju o isporuci iste preduzeću ██████████ u količini 227,80 tona, po fakturama sljedećih datuma, brojeva, fakturne osnovice za obračun PDV-a, iznosa obračunatog i prikazanog PDV-a na fakturi, prikazane količine u kubnim metrima ili tonama: 28.08.2011-██████████-61.410,00 KM-10.439,70 KM -89 tona; 2.12.2011-██████████-19.728,71 KM-3.353,88 KM -28,59 tona; 6.8.2012-██████████-76.043,25 KM-12.927,35 KM -110,21 tona, na kojim fakturama je prikazan ukupan PDV u iznosu od 26.720,93 KM, na koji način je Zorica Obradović omogućila pravnom licu ██████████ neosnovano prikazivanje, obračun i putem podnošenja PDV prijave lažnog sadržaja, ostvarivanje odbitnog ulaznog PDV-a prikazanog na navedenim fiktivnim fakturama, na štetu Budžeta BiH, te je pri svemu navedenom Zorica Obradović za opisani iznos od 95.483,72 KM, od čega se na 2009. godinu odnosi iznos od 51.218,28 KM, na 2010. godinu iznos od 12.357,50 KM i na 2011. godinu iznos od 31.727,94 KM, oštetila Budžet BiH i u navedenim iznosu ostvarila protivpravnu imovinsku korist, od kojeg iznosa je zadržala iznos od 68.762,79 KM, obzirom da je dio od 26.720,93 KM izvorno ostvarene imovinske koristi od 95.483,72 KM potom prenijela na pravno lice

██████████ putem ispostavljanja opisanih fiktivnih faktura naslovljenih na to pravno lice, omogućivši mu da u tom iznosu nanese štetu Budžetu BiH, pa se u konkretnom slučaju radi o postupanju protivnom odredbama članova 4., 32., 38. i 39. Zakona o PDV-u (Službeni glasnik BiH, broj 09/05, 35/05, 100/08, 33/17) i člana 63. Pravilnika o primjeni Zakona o PDV-u (Službeni glasnik BiH, broj 93/05, 21/06, 60/06, 06/07, 100/07, 35/08, 65/10, 85/17), odnosno radi se o fiktivnom prometu definisanom odredbom člana 64. Zakona o PDV, odnosno radnjama opisanim u članu 16. Zakona o Upravi za indirektno oporezivanje (Službeni glasnik BiH, broj 89/05) i za koji iznos je nanijela štetu Budžetu BiH.

**Dakle, Obradović Zorica**, u svojstvu osnivača-vlasnika i direktora-osobe ovlaštene za zastupanje pravnog lica *Asa Company d.o.o. Pale*, bez ograničenja ovlaštenja, upravljala je inkriminiranim poslovanjem pravnog lica *Asa Company d.o.o. Pale* u periodu novembar 2009-mart 2012. godine, na način da je izbjegla platiti davanja propisana poreznim zakonodavstvom Bosne i Hercegovine pružanjem lažnih podataka o činjenicama koje su od uticaja na utvrđivanje iznosa obaveza, a iznos poreza čije se plaćanje izbjegava prelazi iznos od **50.000,00 KM**.

**čime je**, svim gore opisanim radnjama *Obradović Zorica* počinila krivično djelo Porezne utaje ili prevare iz člana 210. stav 3. KZ BiH u vezi sa stavom 1. i članom 54. istog zakona (Službeni glasnik BiH broj 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14, 22/15, 40/15 i 35/18).

**TUŽILAŠTVA - TUŽITELJSTVA BiH**